


KOMMUNIMUT PILERSAARUMMUT TAPILIUSSAQ

1C24-2, Nuukullak Manngua

juni 2015



KOMMUNEQARFIK **SERMERSOOQ**

Sanarfimermut Avatangiisinnullu Ingerlatsivik

Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusrornermut inatsit naapertorlugu (Pilersaarusrornerq aamma nunaminertat atorneqartarnerat pillugit Inatsi-sartut inatsisissaat nr. 17, 17. november 2010-imeersoq) pisussaavoq, kommunimut pilersaarut pisariaqartutigut malinnaatinneqartassaaq. Taamatut malinnaatisarnermi pilersaarummut tapiliussamut attuumassutilimmik pilersaarummi allannguiteqartoqartillugu imaluunniit ilangussisoqartoqartillugu ingerlaavartumik isumagineqartarpooq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartalimmik kommunimut pilersaarummut tapiliussaliussalluni:

- Nuna tamakkerlugu pilersaarusrornerup kommunillu pilersaarusrornerata piviusunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq marlunnik immikkoortortaqarpoq, **nassuaat** aamma **maleruaqqusanut tunngasut**.

- **Nassuaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioereersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaannik allassimavoq. Aalajangersakkat pingarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkant sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilangussat attuumassuteqartut, aalajangersagartaaniippuit.

Tamanut nalunaaruteqarneq

Kommunimut pilersaarummut tapiliussaq tamanut nalunaarutigineqarpoq, ulloq 20.4.2016 inaarutaasumik atuutilersussatut.

Pilersaarut sumik takuneqarsinnaava

Pilersaarut Nunatta Atuagaateqarfiani atuarsinnaavat, kommunip nittartagaani aaneqarsinnaavoq www.sermersooq.gl, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmut, Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 36.

IMARISAI

ILITSERSUUT	2
IMARISAI	3
1. NASSUIAAT	4
1.1 Sumiiffik pilersaarusiorfik	4
1.2 Siunertaq tunngavilu	5
1.3 Pissutsit piovereersut	5
1.4 Pileraarummi pingaarnertaq	7
1.5 Aqqusinertigut angallaannermi Pissutsit	11
1.6 Pileraarummut Allamut Tunga	14
1.7 Tamanit Oqallisigineqarnera	18
18 Pileraarutip inatsisitigut sunniutai	18
2. AALAJANGERSAKKAT	20
2.1 Aalajangersakkat pingarnerit	20
2.2 Aalajangersakkat sukumiisut	23
3. AKUERSINERMUT UPPERNARSAAT	27

ILANNGUSSAQ

- **Ilanngussaq 1: Pissutsit piovereersut**
- **Ilanngussaq 2: Atuinissamut pilersaarut**
- **Ilanngussaq 3: Titartakkat**

1. NASSUIAAT

Matumuuna Kommunalbestyrelsip kommunimut pilersaarummut tapiliussaq 1C24-2, Nuukullak Manngua, Nuuk inaarutaasumik atuutilersutut nalunaarutigaa.

1.1 1.1 PILERSAARUTEQARFIUSOQ




Fig. 1, Pilersaaruteqarfiusup killeqarfilernera

Kommunimut pilersaarummut tapiliussaq illoqarfiup ilaanut pilersaarutip 1C24-1-ip iluarsaannerivaa. Tamatumunnga pissutaasoq tassaavoq suliassamik naammagittaalliummik suliaqarneq taassumalu malitsigisaanik Kommuneqarfik Sermersumi sumiiffimmi nunaminertanik atuisussaatitaareersut assigiinnik atugassaqartinnejartussanngorput. Sumiiffimmi nunaminertanik atugassinneqareersimasut pilersaarummut tapiliussamik matuminnga pisariaqartinnejartunik nutarterneqartunik akuersissuteqarnikkut nunaminertaatitik tigummiinnarsinnaavaat, tassami sumiiffimmi sanaartorfissat inissinneqarnerat normulersorneqarnerallu annikitsumik allanngortiterneqarnikuummata aamma illoreersumik B-3057-imik piginnittooq sanaartorfimmut 4-mut salliutinnejarmat

Siornatigut illoqarfiup ilaanut pilersaarutaasimasoq 1C24-1 niuertarfinnik ilaatigut immikkut ittunik inissaqartinnejartariaqartunik nioqqutissaatilinnit inuussutissarsiuteqarfinnik attartugassanik ujartuinerit pissutigalugit suliarineqarsimavoq. Maannakkut inissiat ujartorneqarnerupput.

1.2 SIUNERTAT TUNNGAVIILLU

Kommunimut pilersaarummut tapiliussami siunertat tassaapput:

- Qiterisaqarfimmi sanaartornissamut periarfissat qulakkiissallugit, soorlu niuertarfittut annikinnerusunillu namminersorluni inuussutissarsiateqarnerit aamma akunnittarfinnik, kollegianik, unnuisarfinnik inissianillu ingerlatsinissamut periarfissat qulakkiissallugit
- Siunissami sanaartugaajumaartussat pillugit illoqarfimmi illoqannginnersamik ataatsimoortumik pilersitsinissaq ajornarunnaarsillugu.
- Siunissami sanaartugaajumaartussat pillugit illoqarfimmi illoqannginnersamik ataatsimoortumik pilersitsinissaq ajornarunnaarsillugu.

1.3 PISSUTSIT PIOREERSUT

Killeqarfilersorneq maannakkullu atuineq

Pilerauteqarfiusoq, Nuukullaap Mannguani immikkoortup ilaaniittoq, Svend Jungep Aqqutaanut (siornatigut Jagtvej) avannamut Inissiarsuit "Marlulissat"-nut aamma kujammut namminersorluni inuussutissarsiateqarfimmut Nuukullammut kimmullu qaqqa sunnamut aamma Niels Hammekenip Aqqutaanut killeqarfefeqarpoq. Figur 1 takuu.



Fig. 2, Svend Jungep Aqqutaani kujammut 1C24-imut isikkivik.

Pilerauteqarfiusumi illut marluk isateriaannaat kommunimit pigineqartut ipput; B-1168, B-876 aamma illu privatimit pigineqartoq B-3057. Sumiiffiup sinnera ullumikkut sanaartorfigineqanngilaq aammalu containerinut sanaartornermullu atortunut utaqqiisaasumik inaalitsiviulluni.



Fig. 3, Nuukullammit IC 24 avannamut isigalugu.



Fig. 4, Nuukullammit IC 24 avannamut kangimut isigalugu.



Fig. 5, Svend Jungep Aqqutaanit IC24 avannamut isigalugu.

1.4 PILERSAARUMMI PINGAARNERSAT

Sumiiffik pingaarnertut oqaluttuarisaanermi titarnermut Nuutoqqamiit illoqarfuiup qeqqani illoqannginnersakkut, aqqusineeqqatut katersortarfik eqqartuussivillu saneqqullugit Umiarsualivimmum isoqartumut attuumassuteqarpoq.




Fig. 6, Oqaluttuarisaanermi titarneq, Imanerup ilusilorsorneqarnissaanut najoqqutassaq takuuk.

Sanaartukkat

Nunaminertamik atuisussaatitaasut assigiimmik atugassaqartinneqarnissaat qulakkeerniarlugu aamma pilersaarut ullutsinnut naaleqquttunngortinniarlugu sanaartornissanut pilersaarutit iluarsaannejarnikuupput.

Sanaartornissanut pilersaarutit Svend Jungep Aqqutaani (Nuukullaap

Mannguata eqqaniittooq) sumiiffioreersuni akuleriinnik illoqarfimmi sumiiffimmik pilersitsinissamik aalaaveqarput, tamanna ilutigalugu immikkoortup ilai marluusut, Svend Jungep Aqqutaanit avissaartinneqartut siunissami biilinit aqqutigineqarsinnaajunnaarnissaat siunnersuutigineqarpoq.

Kommunimut pilersaarummut tapiliussami maannakkut pilersaarutaasup siulianinngarnit sanaartorfinni tamani inissianik arlaqarnerusunik aamma namminersorluni inuussutissarsiuteqarfinnik annikinnerusunik sanaartornissat ajornarunnaassaaq.

Inissiat annertunerusumik sumiiffiup avannaatungaaniinnerupput aamma namminersorluniinuussutissarsiuteqarfiiit kujasinnerusumi Nuukullammiinnerupput.

Pileraaruteqarfiusumi nunaminertat sanaartugassanut nutaanut sanaartorfissat 1-miit 4-moortut, soorlu figur 7-im ianngussaq 2-milu takutinneqartut, atugassiissutigineqarput.




Fig. 7, Sanaartorfinnik killileqarfiliineq inissiinerlu.



Fig. 8, Sanaartukkamut inini allerni silamut matulimmik quleriinnilu allani inissianik assersuut – Odensem Nunat Avannarliit Illuutaat.

Inissiat inuussutissarsiutillu

Sumiiffimmi nunaminertat sanaartorfissat atugasiissutigineqarput.

Sanaartorfinni illunik initaanni allerni quleriillu siullianni qiterisaqarfimmum siunertaqartunik sanaartortoqarsinnaavoq.

Sanaartorfinni 1, 2, 3.1 aamma 4-mi sanaartukkat annertussusiat quleriinnut arfinilinngortinneqarsinnaapput aamma sanaartorfimmi 3.2-mi quleriit pingasut angullugit sanasoqarsinnaavoq (ini quleriit siullianniippoq).

Sanaartorfinni 1, 2 aamma 4-mi sanaatukkat initaasa allianni ini inuussutissarsiutinut siunertanut minnerpaamik 100 m²-isut annertutigisoq aaqqissuunneqassapput.

Sanaartorfimmi 3.2-mi sanaatukkap initaata allersaanni ini inuussutissarsiutinut siunertanut minnerpaamik 200 m²-isut annertutigisoq aaqqissuunneqassaaq.

Namminersorluni inuussutissarsiutitai tassaasinnaapput niuertarfiit, allaffiit cafiilluunniit mikinerusut.

Nunaminertat

Nunaminertat sanaartukkat akornanni inuunermik nukittorsaataasunngorlugit aaqqis suunneqassapput.



Fig. 9a Aqitsumik qalliuusinermut assersuut.



Fig. 9b Manngertumik qalliuusinermut assersuut.



Fig. 9c Gabionimi issiavik takisooq.



Fig. 9d Qullilersornermut assersuut.



Fig. 9e Pinnguartarfimmik assersuut.

Nunaminertanut najoqqutassaq qalliusersueriaatsinit marluinnit allaaveqarpoq:

- Qorsuusumik qalliat, soorlu issoq ivikkalluunniit (kipparissut qorsuit).
- Manngertumik qalliat, soorlu asfalt, ujaqqat KB-it, fliserit betoniluunniit (kipparissut qasertut).



Fig. 9, Nunaminertanik atuineq.

Sumiiffimmi ukioq naallugu isumannaatsitsisunik toqqissisimatitsisunillu qullilersuisoqassaaq.

Titarerit ujaqqanik ungaluliukkanik portusuunik netsitalinnik "gabioninik" malunnaasersorneqarsinnaapput. Figur 9 aamma llanngussaq 3 takukkit.



Fig. 10, Ungaluliamik ujaqqamik sanaamik netsitalimmik assersuut.

1.5 AQQUSINERTIGUT ANGALLANNERMI PISSUTSIT BIILINULLU INISSIISARFIIT

Aqqusinertigut angallannermi pissutsit

Kommunimut pilersaarummut tapiliussaq manna iluaqtigalugu sumiiffimmi najugaqartunut illoqarfimmi illoqannginnersamik pilerinartumik pilersitsinissamut Svend Jungep Aqqutaa allanngortinneqarsinnaavoq.

Pilersaaruteqarfiusumik siusinnerusukkut pilersaarusiortarnerni Svend Jungep Aqqutaata aqqusinertigut angallatunut oqimaannerusunut matuneqarsinnaanera, siumuinnaq ingerlaffinngortinneqarsinnaanera imaluunniit "tinngallattaarfilersorneqarsinnaanera" aqqusinertigut angallannermk nalilersuiffigineqarsimavooq.

Misissueqqissaarinerup Svend Jungep Aqqutaa aqqusinertigut angallattunut oqimaannerusunut matuneqarsinnaasoq (kisiannili qatserisartut biilersui qatserutit assigisaallu tassunnaarsinnaatitaassapput) allanngortinneqarsinnaasorlu paasineqarpoq, soorlu pilersaarummi siunissami taamatut periarfissiisoqassasoq. Matuneqassappat Nuukullaap Jagtvejillu akornatigut aqquteqartariaqarpoq, soorlu figur 11-mi takutinneqartutut.




Fig. 11, Nuukullaap aamma Jagtvejip akornanni aqqusineq. .

Biilnik inissiisarneq, sikkilnik inissiisarneq ilanngullugu

Nutaanik sanaartortoqarnerani sumiiffimmi biilnik inissiisarfeqarnissamik pisariaqartitsineq eqqarsaatigalugu nunaminertanik atuisinnaatitaasut ilanngussaq 3 aallaavigalugu biilinut inissiisarfiliornissaannik piumasaqaateqarfingineqassapput.

Sumiiffiup qiterpasissumiinera pissutigalugu biilit qassit inissinneqarsinnaanersut imatut aalajangersaaffigineqarpoq.

Inissiat quleriit eqqaanni:

- Inissiamut $> 50 \text{ m}^2$ -it sinnerlugit angissusilimmut biilinut inissiisarfiup 0,35-a.
- Inissiamut $\leq 50 \text{ m}^2$ -isut mikinerusunulluunniit biilinut inissiisarfiup 0,175-a.

Namminersorluni inuussutissarsiutip illup eqqaanni:

- Allaffimmut ataatsimut 65 m²-isut angitigisumut biilinut inissiisarfik ataaseq.
- Quersuarmut 130 m²-isut annertutigisumut ataatsimut biilinut inissiisarfik ataaseq .
- Niuertarfimmut 65 m²-isut angitigisumut biilinut inissiisarfik ataaseq.
- Niuertarfimmut, kioskimut grillbarimullu 32,5 m²-isut angitigisumut biilinut inissiisarfik ataaseq.
- Sutorniartarfimmut 65 m²-isut angitigisumut biilinut inissiisarfik ataaseq.
- Sanaartukkanut allanut biilinut inissiisarfiit – Kommuneqarfik Sermersumi naliliineq malillugu sanaartorneqassapput.

Biilinut inissiisarfiit manngertunik qalliuuserlugit sanaartorneqassapput, soorlu asfaltimik imaluunniit Kommuneqarfik Sermersumi akuersisoqareerneratigut allamut qallummik piukkunnartumik.

Nunaminertat biilinullu inissiisarfiit ataatsimut soqutigisaapput aammalu sumiiffimmi piginnittut peqatigiiffiannit akilerneqassallutik. Piginnittut peqatigiiffianni pissutsit pillugit pilersaarusiortoqassaaq / qalliusersuinissamik pilersaarusiortoqassaaq, tamakkulu aallartinneqartinnagit Kommuneqarfik Sermersuumit akuerineqaqqaassapput.

1.6 PILERSAARUMMUT ALLAMUT TUNNGATILLUGU INISSISIMANERA

Nuna tamakkerlugu pilersaarusioneq

Pilersaarummut tapiliussaq nuna tamakkerlugu pilersaarusionermet naapertuuppoq.

Kommunimut pilersaarut

Immikkoortup ilaa 1C24 Kommunimut Pilersaarut Sermersooq 2024-imut ilaatinneqarpoq, tassanilu ilutsini pingarerni sumiiffik ataatsinut siunertanut/qiterisaqarfik atugassiissutigineqarpoql.

Kommunimut pilersaarut 2024-imut atuuttumut sanilliullugu allannguuteqarpoq.

Kommunimut pilersaarummut tapiliussami matumani immikkoortut ilaanni 1A2 Niels Hammekenip Aqqutaata ilaanut aamma immikkoortup ilaata 1B3-ip (Nuukullak) immikkoortup ilaanut 1C24-mut naleqqussarneqarnissaannut illut tullinnguuttut makku illut nunaminertallu annikinnerusut tullinnguuttut makku killeqarfii imatut annikinnerusumik allanngortinneqarnissaat siunnersuutigineqarpoq:

- Nukissiorfiit, Nuukullammi sanaartukkat B-860, B-861, B-859 1C24 –init peerneqarput 1A2-mullu ilanngunneqarlutik.
- Illut uilukutsukkuutaat B-267a, B-2671, B-2670, B-2669, B-2668, B-2667 aamma Svend Jungep Aqqutaa sinerlugu illu B-272 1C24-imut peerneqarpoq 1A2-mullu ilanngunneqarluni.
- Illut inuussutissarsiuteqarfiusut annikinnerusut B-3661 aamma B-3926 (ilanngussat 1 takuuk), immikkoortup ilaani 1C24-mir peerneqarput 1B3-mullu ilanngunneqarlutik.


Tamanna pisortatigoortumik kommunimut pilersaarummik nutaamik 1C24-imik, Nuukullak Manngua, saqqummiussaqarnikkut pissaaq, tassani kommunimut pilersaarummut tapiliussami 1C24-mi tassunga tunngatillgu aalajangersakkat allanngortinneqarput. Immikkoortup ilaanut 1C24-mut aamma immikkoortup ilaanut 1A2 Niels Hammeken-ip Aqqutanut 1B3 Entreprenørdalenimut killeqarfii iluarsaannejqarput, tamannalu immikkoortup ilaanut pilersaaruteqarfiusup nassuaatigineqarnera kommunimut pilersaarummi digitaliusumi takuneqarsinnaajumaarpooq.

Immikkoortut ilaannut 1C24, 1A2 aamma 1B3-imut killiliussat takussitissami 12-mi aammalu 13-mi allassimapput.

Qanganitsat eriagisariaqartut

Sumiiffimmi eqiagisariaqartoqarneranik Kommuneqarfik Sermersuumi

ilisimasaqartoqanngilaq. Sumiiffimi nunalerinerit Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-meersumut ilaatinneqarpoq.



*Fig. 12, Immikkoortut 1C24, 1A2 aamma 1B3-ip killeqarfilersorneqareernera.
Qasertumik nalunaaqutsikkat, nunaminertat sorliit 1C24-mit 1A2-mut aamma 1B3-mut nuunneqarsimanerannut takussutissaavoq.*




Fig. 13, Immikkoortut 1C24, 1A2 aamma 1B3-ip nutaamik killeqarfilersorneqarnerat.

Avatangiisit

Immikkoortup ilaa mingutsinnejarsimasinnaavoq taamaattumillu inissialiorqannginnerani avatangiisit pillugit nalilersuisoqareerimassaaq.

Pisariaqartinneqartunik uppernarsaatit saliinerlu nunaminertamik atugassisussaatitaasumit isumagineqassaaq, tassalu sanaartortitsisoq.

Assaanermi nunaminertamik atuisussaatitaasut sanaartortitsisullu sumiiffimmi mingutsitsisoqarsimaneranik paasisaqarpata tamanna pillugu Kommuneqarfik Sermersooq ilisimatinneqassaaq.

Eqqagassanik avatangiisinut navinaateqartunik, soorlu issumik mingutsinnejarsimasumik, kommunimi eqqagassalerineq pillugu malittarisassat tamakkununngalu tunngatillugu inatsisit atuuttut malillugit suugunnaarsitsisoqassaaq.

Teknikkikkut pilersuutit

Sanaartukkat nutaat pisortat innaallagissamut, imermut, kuuffissuarnut imermillu pilersuutaannut attavilerneqassapput.

Innaallagissamut, imermut, kuuffissuarnut kissamullu aqqutit nunap iluatigoortinneqassapput.

Sumiiffimmi teknikkikkut atortulersuutinik soorlu sumiiffimmi najugaqartunut pilersuutinik transformeriisivinnik inissiisoqarsinnaavoq. Tigooraavinnik inissiinissaq Nukissiorfiup Kommuneqarfik Sermersuullu akornanni isumasioqatigiinnikkut pissaaq.

Kissaq

Immikkoortup ilaata kiassarneqarnissaq Nukissiorfinni malittarisassat malillugit pissaaq.

Imikoorfilersorneq

Illut imikoq pillugu pilersaarut naapertorlugu pisortat kuuffissuaataannut attavilerneqassapput.

Imeq nunap qaaniittooq kuuffissuarnut kuutsinnejassanngilaq kisiannili sumiiffimmi sanaartukkanut, aqqusineeqqanut, aqqusinernut nunaminertanullu sanaartorfigineqanngitsunut ajoqtaanngitsumik kussiamut kuutsinnejassalluni.

Eqqagassalerineq

Sumiiffik Kommuneqarfik Sermersumi eqqagassalerineq pillugu aaqqiinermut sukkulluunniit atuuttumut ilaatinneqarpoq.

Inissianut/illunut inuussutissarsiuteqarfiusunut tunngatillugu illut
timitaannut eqqaviit aalajangersarneqassapput.

Aputaajaasarnerit aputinillu allamukaassuisarnerit

Sumiiffiup iluani aputinik inaalitsisoqartassaaq aammalu immikkoortup
iluanut avataanullunniit Kommuneqarfik Sermersooq
akuersiteeqqaartinnagu inaalitsisoqarsinnaanani.

Piginnittut peqatigiiffiat

Sumiiffimmi piginnittut peqatigiiffiannik pilersitsisoqassaaq. Piginnittut
peqatigiiffianni nammineerluni makku pillugit
malittarisassiorqarsinnaavoq.

*Piginnittut peqatigiiffiannit sumiiffimmi soorlu aqquserngit, aqqusineeqqat,
biilinut inissiisarfiit, uninngaartarfiit, pinnguartarfiit assigisaallu nammineq
pilersinneqassapput ukiuuneranilu isumagalugit.*

Tamakku saniatigut tamakku ukiuunerani isumagineqarnissaat piginnittut
peqatigiiffiannit isumagineqassapput.

Taamaattumik matuma qulaani pissutsit taakkartorneqartut pilersaarummi
aalajangersakkani erseqqissarneqarput.

Sanaartorfigissaanernut aningaasartuutit

Kommunimut pilersaarummut tapiliussaq malillugu inuit namminersortut
sumiiffimmi tamakkiisumik ilaannaannilluunniit
sanaartorfigissaasinnaapput.

Sumiiffimmi sanaartorfigissaanerit Kommuneqarfik Sermersuumit
tamakkiisumik ilaannakortumilluunniit isumagineqarpata tamakkununng
atingaasartuutit sanaartortitsisuujumaartunut akileqquneqarumaarpoq.

Sumiiffimmi sanaartorfigissaanernut aningaasartuutit peqataasunut
aguataarlugit akilersinneqassapput tamannalu immikkut ittumik
akiliisarnerit pillugit ileqqoreqqusami ersarissumik allassimassalluni.

Inuup allap ledninginik pingaarnernik allangortiterinera ledningimik
piginnittumut aningaasartuutaassanngilaq aammalu ledningimik piginnittut
innersuussinera malittarisassaataalu pillugit siunersioriarlugu pissallutik.

Pilersaarutinik atorunnaarsitsineq

Kommunimut pilersaarummut tapiliussamik 1C24-2 Nuukullak Manngua-
nik saqqummiussaqarnikkut illoqarfip ilaanut pilersaarut 1C24-1,
Nuukullak Manngua, dec. 2008, atorunnaarsinneqarpoq.

1.7 Tamanit Oqallisigineqarnera

Kommunimut pilersaarummut tapiliussaq piffissami 25.11.2015-imii
3.2.2016-p tungaanut tusarniaassutigineqarpoq.

Tusarniaanermi akissuteqaat ataaseq piffissaasukkut tiguneqarpoq.

Kommunalbestyrelsip kommunimut pilersaarummut tapiliussaq ulloq
15.3.2016 ataasimiinnermini oqaluuseraa kommunimullu pilersaarummut
tapiliussaq 1C24-2 akuersissutigalugu, siunnersuut tamanut
saqqummiussamut sanilliullugu annikitsunik iluarsiissutitalerlugu.

Allannguutituaalluni annertussutsinik annertusititsineq, sanaartorfissani 1,
2 aamma 4-mi imaalillugit sanaartorfissani taaneqartuni
allannguutaassaaq 24 x 18-miit 25 x 18-mut (takissuseq x silissuseq),
kujammut, taamatullu sanaartorfissaq 4-mi, taannali avannamut.

Taamaaliornikkut tamakkiisumik aaqqiissuteqarnissamut
naapertuilluartumik ataqtigiissaakkamillu angusaqartoqassaaq,
pilersaarutip ilusaanut naapertuuttumik.

1.8 PILERSAARUTIP INATSISITIGUT SUNNIUTAI

Pilersaarutip inatsisigut inaarutaasumik sunniutai

Kommunalbestyrelsi kommunimut pilersaarutip naammassineqarnissaanut
sulissaaq, ilanggullugu nunaminertanik atugassiinerni, tak.
(Pilersaarusrornermut inatsit § 29).

Kommunimut pilersaarummut tapiliussap inaarutaasumik
akueringeranik tamanut nalunaaruteqarnerup pereernerani, inatsisinik
imaluunniit pissutsinik piviusunik tunngaveqarluni kommunimut
pilersaarutip aalajangersakkanut immikkoortuanut imaluunniit
nunaminertanik tunniussinermi atugassarititaasunut akerliusunik
pilersitsisoqassanngilaq. (Pilersaarusrornermut inatsit § 30).

Immikkulli pisoqartillugu aalajangersakkanit ataasiakkaanit allatut ittumik
immikkut ittumik akuersissuteqartoqarsinnaavoq. Aalajangersakkanit
malunnaatilimmik allaaneru-sumik atuineq nutaamik kommunimut piler-
saarummut tapiliussamik suliaqarnissamik pisariaqartitsissaaq.
(Pilersaarusrornermut inatsit § 50).

Nunaminertamik, illuni sanaartukkanillu inatsisit naapertorlugit maannamut
atuisarneq ingerlaannarsinnaavoq, akerlianilli assersuutigalugu atuinermik
allannguinissaq nutaamilluunniit sanaartornissaq kommunimi
pilersaarummut tapiliussamut akerliussanngilaq.

Kommunimut pilersaarummut tapiliussami nunaminertat, illut

sanaartukkallu ilaatinneqartut pilersinnejarnissaat ilaatinneqarnerisigut
imaanngilaq taakku ilumut pilersinnejarnissaat.

2. AALAJANGERSAKKAT

Pilersaarusrusiorneq nunaminertanillu atuineq pillugu, Inatsisartut Inatsisaat, nr. 17. 17. november 2010-meersoq aallaavigalugu pissaaq.


Aalajangersakkat immikkoortiterneqarnikuupput aalajangersakkanut pingaarnernut aamma aalajangersakkanut itisilikkanut.

Aalajangersakkat tamarmik inatsisitigut qilersuutaapput taamaakkaluartorli piumasaqaatit ilaat eqqarsaatigalugit aalajangersakkani sukumiisuni immikkut akuersissuteqartoqarsinnaavoq.

AALAJANGERSAKKAT PINGAARNERIT NUTAAT

Immikkoortup killeqarfia

Immikkoortup ilaanut 1C24-mut killeqarfik nutaaq.



Immikkoortup ilaa 1.1 ha-it missaanniippoq.

Immikkoortup ilaani 1A2 aamma 1B3-mi killeqarfiit allanngortinneqarnikuupput kisianni immikkoortut ilaanut marlunnut taakkununnga aalajangersakkat atuupput.

1. Sumiiffiup atorneqarnissaanut siunertat

Sumiiffik qiterisaqarfinnut tamanillu tikinnejarsinnaasutut atugassiissutigineqarpoq..

2. Nunaminertanik sanaartukkanillu atuinerit

Sumiiffik ataatsimoortunut, qiterisaqarfinnut tamanillu tikinnejarsinnaasutut atugassiissutigineqarpoq, tamakkununnga ilanggullugit akunnittarfii, kollegiat, unnuisarfii inissiallu.

Sumiiffimmik immikkut ittumik mingutsitsisumik suliffeqarfiliortoqarsinnaanngilaaq.

Nunaminertat sanaartukkanut atortunullu atorneqanngitsut sunngiffimmi sammisassaqtitsivinni uninngaartarfinnilu aaqqissuunneqassapput.

3. Sanaartukkat

Sanaartorfinni atugassiissutigineqartuni sanaartukkat portunerpaamik pingasuniit – arfinilinnut taamaallaat quleriusinnaapput.

Sumiiffimmi sanaartukkat nutaat amerlanerpaamik arfinilinnik quleriusinnaapput (ini inimi allermiippat).

Sanaartorfinni ataasiakkaani sanaartukkat nutaat portunerpaaffissat tullinnguuttut makku sinneqassanngilaat:

Sanaartorfik 1: Kip kote 46,5.

Sanaartorfik 2: Kip kote 44,5.

Sanaartorfik 3.1: Kip kote 44,5.

Sanaartorfik 3.2: Kip kote 28,0.

Sanaartorfik 4; Kip kote 44,5.

4. Immikkoortup ilaani inissaq sinneruttoq

Immikkoortup ilaani sanaartorfissat atorneqareerpata sumiiffik sinneruttunik inissaaruttutut tamakkerluni sanaartorfigineqarsimasutut naatsorsuutigineqartarpoq.

5. Eriagisariaqartut

-

6. Nunaminertat piumasaqaatitaqarfiusut

-

7. Aqqusinertigut angallanneq teknikkillu pilersuinerit

Immikkoortup ilaani Svend Jungep Aqqutaanit aamma Nuukullammit aqqusineqarpoq.

Svend Jungep Aqqutaata ilaa allanngortiterneqassaaq.

8. Illoqarfimmik nutarterineq isaterinerillu

Immikkoortup ilaani illoqarfik nutarterneqassaaq. Taamaattumik illut tullinnguuttut makku isaterneqarsinnaapput:

- B-876
- B-1168
- B- 3057

9. Immikkoortukkuutaat

-

10. Aalajangersakkat sukumiisut

Tassani Kommunimut pilersaarummut tapiliussami 1C24-2, aalajangersakkat sukumiisut atuupput.
Ukioq, qaammat

AALAJANGERSAKKAT SUKUMIISUT**1. Sanaartukkat inissisimaffiat**

1.1 Sanaartorfimmi 2-mi takutinneqartut sanaartukkat taamaallaat inissinneqassapput.

Sanaartorfik 1: 450 m² –iuvoq 25 x 18-iullunilu (sanimut takissusialu).

Sanaartorfik 2: 450 m² –iuvoq 25 x 18-iullunilu.

Sanaartorfik 3.1: 432 m² –iuvoq 24 x 18-iullunilu.

Sanaartorfik 3.2: 792 m² –iuvoq 44 x 18-iullunilu.

Sanaartorfik 4: 450 m² –iuvoq 25 x 18-iullunilu.

1.2 Sanaartorfinni 1, 2 aamma 4-mi minnerpaamik 100 m²-isut angitigisunik mikinerusunik niuertarfiorqarsinnaavoq aamma Sanaartorfiiit kujammut isumani mikinerusunik namminersorlutik inuussutissarsiuteqartoqarsinnaavoq.

1.3 Sanaartorfinni 3.1 aamma 3.2-mi sanaartukkat nutaat illutut amerlanerpaanik arfinilinnik quleriittut aamma sanaartorfimmi 3.1-imik arfinilinnik quleriisinnapput aamma 3-mi amerlanerpaamik pingasunik quleriisinnallutik. Sanaartukkat ataatsimut katillutik niuertarfinnut mikinerusunut aamma Sanaartorfiup 3.2-ip kujataatungaani mikinerusunik minnerpaamik 200 m² –inik angitigisunik namminersorluni inuussutissarsiuteqarfiusinnaavoq.

2. Sanaartukkat silataasa isikkui

2.1 Sanaartukkat initaasa allit silataasa qalliutaat qisuussapput aamma quleriinni allani makkuussapput; igalaamerngit, qisuit, eternit, savimineq, ujaqqat, zink, aluminium, sisak betoniluunniit.

Sanaartukkat silaata atortussaat ilusissaallu Kommuneqarfik Sermersuumi akuerineqartussanngorlugit tassunga saqqummiunneqassapput.

2.2 Illut silataat atortussanik illunut eqqaamiorisanut, assersuutigalugu qinngorernik utersaarfigitilluni, akornutaassanngillat.

2.3 Sanaartukkat toqqavisa ersittortaat nunap qatsinnersaanit meterimik ataatsimit portunerussanngillat.

2.4 Sanaartukkat nutaat aneerasaartarfiersorneqarsinnaapput aammalu illumut naleqqussarneqassallutik.

2.5 Illut tamarmik manissunik qernertunillu qaliaqartunnssanngorlugit suliarineqassapput.

2.6 Sanaartukkat nutaat qaliaat manissuussapput.

2.7 Silaannarissarfiit, elevatorit assigisaallu illup sananeqarneranut ilangunneqassapput .

2.8 Illup ilusaa malillugu allagartarsualersortoqassaaq kiisalu allagartarsualerniaraanni tamanna Kommuneqarfik Sermersuumi akuerineqartussanngorlugu tassunga saqqummiunneqassaaq.

3. Aqquserngit aqqusineeqqallu

3.1 Ilanngussami 2-mi pissutsit naapertorlugit aqqusinernut aqqusineeqqanullu nunaminertanik

atugassiisoqassaaq.

3.2 "Nuummi aqqusinernik pilersaarusrusiornermut najoqqtassaq" sukkulluunniit atuuttoq naapertorlugu aqquserniortoqassaaq aqqusinneraliortoqarlunilu tamakkulu Kommuneqarfik Sermersumi akuerisassanngortinneqassapput.

3.3 Ilanngussaq 2 "P"-mi nunaminertat ilisarnaaserneqarsimasut biilinut inissiisarfinnut atorneqassapputl.

3.4 § 11 naapertorlugu taamaallaat ataatsimoortumik biilinik inissisarfiliortoqasaaq.

3.5 Inissiap ataatsip annertoqataanut sikkiliisiviit invertinneqassapput.

3.6 Ilanngussami 3-mi takutinneqartutut sumiiffimmi nunaminertat sanaartorfigineqanngitsut qullilersorneqassapput aamma qullilersorneq Kommuneqarfik Sermersumi akuerineqassaaq.

3.7 Qullit pukkitsuussapput, assersuutigalugu figur 9-misut.

4. Nunaminertat atorneqanngitsut

4.1 Nunaminertat aalajangersakkat pingarnerit naapertorlugit pilersinneqassapput.

4.2 Sumiiffimmi ilanngussami 3-mi takutinneqartutut nunaminertat, uninngaartarfiit, biilinut inissiisarfiiit, aqquserngit aamma silami nunaminertat qalliusersorneqarnissaat pillugit malittarisassat malinneqassallutik.

4.3 Aqquserngup qeqqaniit avammut 7,5 meterinik killeqarfiliisoqassaaq. Tassa imaappoq nunaminertaq taanna sanaartorfigineqassanngitsoq.

5. Teknikkikkut atortut

5.1 Sanaartukkat nutaat pisortat innaallagissamut, imermut, ungasianit kiassarnermut kuuffissuarnullu aqqutaataannut attavilerneqassapput.

Nukissiorfiit innersuussutaat malillugit sumiiffik imermik pilersorneqassaaq.

5.2 Pilersuutit aqqutaat soorlu innaallagissamut, imermut, kiassarnermut kuuffissuarnullu aqqutit nunap iluatigoortinneqassapput.

5.3 Imikoq sunaluunniit kuuffissuakkut kuutsinneqartassaaq. Nunap qaavata ernga imerlu kuuttoq kuuffissuakkoortinneqaratik sanaartukkanut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kussiakkut kuutsinneqassapput. Sumiiffimmi teknikkikkut atortulersuutinik, tassunga ilanngullugit najukkamik pilersuisussanik transformatoriisivinnik inissiisoqarsinnaavoq. Nukissiorfiit siunersiorlugit transformatoorisiviit sanaartukkap.

5.4 Teknikkimut atortut, soorlu transformatoriisiviit, pisariaqartitsineq malillugu pilersinneqarsinnaapput aamma Nukissiorfiit siunersiorlugit pissaaq, immaqa sanaartukkanut ilanngullugit.

5.5 Eqqagassaasiviit illup ilaanut imaluunniit nunaminertanut assiaqusikkamut inissinneqassapput.

5.6 Nunaminertat assiaqusikkat avataannut containerinik inissiisoqassanngilaq.

6. Nunaminertat sanaartorfigineqanngitsut

6.1 Nunaminertat sanaartorfigineqanngitsut, qalliutit, aqqusinermut atortut, naasut qalliutillu allat sanaartornerup kingunerisaanik innarlerneqartut ilusaattut iliseqginneqassapput.

6.2 Sumiiffimmi niffaliortarneq Kommuneqarfik Sermersuumik isumaqatigiissuteqareernikkut pisassaaq aamma tassannga akuersisoqaqqaartinnagu.

6.3 Niffat sumiiffimmi akornutaassanngillaq. Tamanna malinnejqanngippat nunaminertamik atuisussaatitaasup akiligassaanik Kommuneqarfik Sermersumi peerneqarsinnaatitaapput.

6.4 Lastbiilit, kalittakkat, biilersuit, bussit aamma qamutit motoorillit containerillu nalunaarsorneqarsimannngitsut biilinut inissiisarfinnut, aqqusineeqqanut allanulluunniit nunaminertanut sanaartorfigineqanngitsunut inissinneqassanngillat.

7. Sanaartugaareersunik eriaginninneq

-

8 Pinngortitami soqutigisanik isumaginninneq

-

9 Nunalerinermik soqutigisanik isumaginninneq

-

10. Piginnittut peqatigiiffii

10.1 Sumiiffimmi najugaqartut ataatsimut soqutigisaannik isumaginnittussamik piginnittut peqatigiiffiannik pilersitsisoqassaaq.

Sanaartorfissatut atugassiissutigineqartut affaat atorneqalereerpata, imaluunniit kommunalbestyrelsip tamanna piumasaqaatigippagu, peqatigiiffifik pilersinneqassaaq.

Peqatigiiffiup angerlarsimaffia tamatigut Kommuneqarfik Sermersuumut ilisimatissutigineqartassaaq.

10.2 Aqqusinertigut angallaffiit, biilinut inissiisarfiit, pinnguartarfiit aamma immikkoortup ilaani nunaminertat sanaartorfigineqanngitsut aserfallatsaaliorneqarnissaat ingerlatsivimmi akisussaaffigineqarpoq.

10.3 Illumi pineqartumi piginnittut peqatigiiffiat illup eqqaata saligaatsuutinnejqarnissaa isigiuminarnissaalu akisussaaffigaa.

10.4 Sumiiffimmi nunaminertamik atuisussaatitaasoq peqatigiiffimmut tassunga ilaasortaassaaq.al

10.5 Sumiiffimmi inissialiorqannginnerani nunaminertap mingutsinneqarsimannnginnera sanaartortitsup, nunaminertamik atuisusaatitaasup upternarsassavaa.

10.6 Saliisoqariataassagaluarpat tamanna sanaartortitsisumit, nunaminertamik atuisussaatitaasumit, isumagineqassaaq.

10.7 Immikkoortup ilaani ataatsimut soqutisanut sanaartorfigissaanernut aningaasartuutit aamma akuusunut agguataarinissat immikkut ittumik akiliisarnernut ileqqoreqqusami allassimassapput.

11. Atuilernissamut piumasaqaatit

11.1 §§ 3.3 aamma 3.4-mi biilinut inissiisarfiit pillugit piumasaqaatit malinnejqartinnagit sanaartukkat nutaat atorneqalissanngillat.

11.2 Silami nunaminertat pilersinneqartinnagit sanaartukkat nutaat atorneqalissanngillat.

11.3 Sanaartukkat nutaat kuuffissuarnut imermullu aqqutinut attavilerneqarsimannngippata atorneqalissanngillat, Nukissiorfinni malittarisassat malillugit kuuffissualersuineq imermillu pilersuineq § 5.1 takukkit.

12 Illut nukissiuutinik atuinikitsut

12.1 Sanaartukkat nutaat illutut nukissiuutinik atuinikitsututut taaneqartutut sananeqarsinnaapput.

3. AKUERISSUTEQARNERMI ATSIORNERIT

Una kommunimut pilersaarummut tapiliussaq 1C24-2, Nuukullak Manngua, Nuuk, matumuuna Kommuneqarfik Sermersumi Kommunalbestyrelsimit ulloq 15.3.2016 inaarutaasumik atuutilersussatut akuersissutigineqarpoq.

Kommuneqarfik Sermersooq ulloq 22.3.2016




Asii Chemnitz Narup
Borgmesteri



Steffen Ulrich-Lynge
Pisortaaaneq

Ulloq 20.4.2016 inaarutaasumik atuutilersutut tamanut nalunaarutigineqarpoq




KOMMUNEQARFIK SERMERSOOQ
Sanarfimermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 1C24-2
Kommuneplantillæg 1C24-2

Ilannngussaq 1 - Pissutsit pioereersut
Bilag 1 - Eksisternde forhold
Septembari 2015 / September 2015
Uutuu 1:1000 / Mål 1:1000

A4

0 M 20 M 40 M



KOMMUNEQARFIK SERMERSOOQ
 Sanarfimermut Avatangiisinnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 1C24-2
 Kommuneplantillæg 1C24-2

Ilanngussaq 2 - Nunap assigi aalajangersakkanut allaaserisanut
 Bilag 2 - Kortbilag med de detaljerede bestemmelser
 Septembari 2015 / September 2015
 Uutuu 1:1000 / Mål 1:1000

A4

0 M 20 M 40 M

N

**Ilisarnaatinut nassuaatit
Signaturforklaring**

- Bygning / Bygning
- Sanaartorfissaq / Blød overflade
- Hård overflade / Hård overflade
- Legeplads / Legeplads
- Gabion / Gabion
- Belysning / Belyning
- - Aqqusinnguaq / Fortov



KOMMUNEQARFIK SERMERSOOQ
Sanarfimerut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 1C24-2
Kommuneplantillæg 1C24-2

Ilanngussaq 3 - Nunap assinganik takussutissat
Bilag 3 - Illustrationsplan
Septembari 2015 / September 2015
Uutuut 1:1000 / Mål 1:1000

A4

0 M 20 M 40 M